

開明活葉文選注釋

第三冊

開明活葉文選注釋

第三冊

宋雲彬注釋



開明書店出版

民國廿一年九月初版發行

實價大洋一元

(實價不折不扣)
(外埠酌加寄費)

“開明活葉文選注釋”

(第三冊)

有著作權不許翻印

注釋者

宋雲彬

發行者

上海東百老匯路仁興里
杜海生

印刷者

上海東熙華德路餘慶里
美成印刷公司

總發行所

上海報掛號七〇五號

開明書店發行所

分發行所

廣州惠愛東路
北平楊梅竹斜街
漢口中山路

開明書店分店

(教163)

開明活葉文選

優

待

學

校

贈

送

禮

券

本店創印開明活葉文選以來，各校教授國文羣樂採用，數年之間，風行全國。茲爲優待採用各校起見，自民國二十一年九月起，凡由學校蓋章，用現金直接向上海本店採購滿實洋五元以上者，贈送本店禮券一元，十元以上者贈送二元。多購照此類推。各地分店及批發處概不照辦。委託裝訂，裝費另計。

上海
四馬路

開明書店謹啓

凡例

- 一、本書排印，係按着手注釋之先後爲序。但每篇仍列原有號碼，以便檢查。
- 一、本書每篇分「題解」「作者述略」「注釋」三項。如係譯文，則於「作者述略」之後，另列「譯者述略」一項。
- 一、本書爲謀教師講解及學生自修之便利，解釋務求詳明，引證不厭繁博。於每條注釋之下，皆說明出於某書某篇，以便檢對。
- 一、本書於古地名則注今爲何地；人名之見於史傳者則注見某史第幾卷；年號則注公元若干年；生僻之字，則加注國音字母；譯名則附注原文。
- 一、古書異釋紛如，本書從其說之較長者；或並列數說，以資參證。
- 一、凡已見前注之條目，但注見前某篇注，以避重複。
- 一、注者聞見有限，錯誤在所難免，尙望讀者隨時指示，以便改正。

開明活葉文選注釋第三冊目錄

173	漢書藝文志	班固	一
✓ 139	項羽本紀	司馬遷	九三
142	王冕傳	宋濂	二三
✓ 143	祭柳子厚文	韓愈	二五
144	口技	蒲松齡	二六
150	天下篇	莊子	二七
✓ 154	我的生活態度之自白	李石岑	二八
✓ 160	大鐵椎傳	魏禧	二四
✓ 141	風波	魯迅	二四
147	一個鄉民的死	周作人	二四
✓ 161	新豐折臂翁	白居易	二四
163	卜來敦記	黎庶昌	二五

166	七月	詩經	一五一
167	東山	詩經	一六〇
169	戰國策序	劉向	一六四
196	無雙傳	薛調	一六九
199	論短篇小說	胡適	一七三
200	顛狗病	伊巴涅支 周作人	一八五
201	齊桓晉文之事章	孟子	一八六
202	神農之言章	孟子	一八九
209	西湖香市	張岱	一九三
224	問說	劉開	一九六
242	秦士錄	宋濂	一九六
243	圓圓傳	陸次雲	二〇二
246	師說	韓愈	二〇六
248	書麻城獄	袁枚	二〇六

250	口技	林嗣環	1102
251	類砥課誦圖序	王拯	1110
253	赤壁之戰	司馬光	1111
266	書魯亮儕事	袁枚	1113
291	報劉一丈書	宗臣	1115
231	陳涉世家	司馬遷	1116
303	養氣章	孟子	1117
344	子路曾皙冉有公西華侍坐章	論語	1117
367	馬伶傳	侯方域	1151
384	送杜審舒歸里序	施閏章	1154
386	說犬	陳庚煥	1157
387	說犬 11	陳庚煥	1160
391	袁隨園墓誌銘	姚鼎	1160
393	閩典史傳	邵長蘅	1164

573	上大總統書·····	梁啟超	二六九
108	左忠毅公逸事·····	方苞	二七三
✓ 109	獄中雜記·····	方苞	二七五
111	漳南俠士傳·····	崔述	二七六
389	芋老人傳·····	周容	二七九
363	爲學一首示子姪·····	彭端淑	二八一

173 漢書藝文志 班固

題解

此爲漢書十志之一，蓋班固本劉歆七略而作，以補史記八書之闕者也。對於當時各派學術之源委，及所存經籍之篇數，論記甚詳。復於書名之後，間加注文。其後隋書經籍志，參考七錄，互注存佚，亦沿其例。（唐書於作者姓名不見紀傳者，尙間有注文，以資考核。）後來得略見古書之崖略，實緣於此。然劉知幾著史通，獨持異議，以爲：「史之立志，非復一門，其有不安，多從沿革。惟藝文一體，古今是同，詳求厥義，未見其可。愚謂凡撰志者，宜除此篇。」（書志篇。）知幾論史，每多特見，然亦有懲噎廢食之弊，此類是也。此篇讀者宜用專究的讀法，於所載各書名之下，分別注明其存亡或殘缺，以資參考。其他如對於古時學術之派別，及經籍分類之方法，亦當注意及之。

作者述略

班固字孟堅，安陵人。九歲能屬文，及長，博貫載籍。明帝奇之，以爲郎，典校祕書。續父彪所著漢書，積思二十餘年，至建初中將完成，惟八表及天文志未竟，而固因竇憲敗坐繫洛陽獄，卒。和帝詔其妹班昭續成之。詳見後漢書卷七十下班彪傳。按斷代爲史，始於班固。故劉知幾云：「究西都之始末，窮劉氏之興廢，包舉一代，撰成

一書言皆精練，事甚該密。故學者尋討，易爲其功。自爾迄今，無改斯道。」（史通六家）劉勰（文心雕龍史傳）亦稱其「十志該富，讚序弘麗，儒雅彬彬，信有餘味」云。

注釋

【微言】李奇曰：「隱微不顯之言也。」師古曰：「精微要妙之言耳。」

【七十子】按孔子弟子受業身通六藝者，七十人，見史記仲尼弟子列傳及漢書地理志。史記索隱引孔子家語亦七十七人。言七十子者，舉成數也。

【春秋分爲五】左氏、公羊、穀梁、鄒氏、夾氏五家，詳後。

【詩分爲四】毛氏及齊、魯、韓四家，詳後。

【易有數家之傳】詳後。

【至秦患之乃燔滅文章以愚黔首】秦始皇三十四年（公元前二一三）焚書，非博士官所職，天下敢有藏詩書百家語者，悉詣守尉雜燒之。按王應麟漢藝文志考證引呂東萊語曰：「所燒者天下之書，博士官所職，固自若也。」黔首，猶言黎民，今俗言百姓也。以其首黑，故名。一說，民以黑巾覆首，故謂之黔首。

【漢興改秦之敗大收篇籍廣開獻書之路】改秦之敗，言改秦之敗政也。大收篇籍，廣開獻書之路，據漢書考證引齊召南云：「按此二句，既敘在孝武之前，則指高祖時蕭何收秦圖籍，楚元王學詩，惠帝時除挾

書之令，文帝使鼂錯受尙書，使博士作王制，又置論語、孝經、爾雅、孟子、博士，卽其事也。」

【聖上喟然而稱曰朕甚閔焉】聖上，稱武帝也。漢書武帝紀：元朔五年（公元前一二四）夏六月詔曰：「今禮壞樂崩，朕甚閔焉。」

【於是建藏書之策】何焯曰：「文選注引劉歆七略曰：『尙書有青絲編目錄，』卽此所謂藏書之策也。」

按策爲「冊」之借字，蓋豫定書冊尺度，以便庋藏云爾。舊注策作策府解，謂建藏書之府，故如淳注引劉歆七略云：「外則有太常、太史、博士之藏，內則有延閣、廣內、祕室之府，」非是。說本近人馬敘倫讀兩漢書記。

【使謁者陳農求遺書於天下】成帝河平三年（公元前二六）秋八月，謁者陳農爲使，求遺書於天下，見漢書成帝紀。謁者，官名，漢置，掌賓讚。

【詔光祿大夫劉向校經傳諸子詩賦步兵校尉任宏校兵書太史令尹咸校數術侍醫李柱國校方技】秦郎中令屬官有中大夫，漢武帝更名爲光祿大夫，備顧問。劉向字子政，漢之宗室，楚元王之四世孫也，見漢書卷三十六楚元王交傳。步兵校尉，掌上林苑門屯兵，武帝所置八校尉之一。任宏字偉公，爲執金吾，守大鴻臚（據漢書哀紀及公卿表）。太史令，見第二冊史記自敘注。太史令尹咸，漢書劉歆傳作丞相史，能治左氏傳，諫大夫尹更始之子，官至大司農，數術、占卜之書。侍醫，隋書經籍志引作大醫監。按百官表

並無侍醫之名，惟張禹傳顏注云「侍醫侍天子之醫」，蓋侍醫非官名，猶後世之言御醫也。李柱國字里不詳，方技醫藥之書也。按劉向校中祕書，始成帝河平三年（公元前二六）秋八月，當時襄助其事者，尚有杜參、班游等，固不止任宏等三數人也。

【每一書已向輒條其篇目撮其指意錄而奏之】劉向敍錄今存者，有戰國策、管子、晏子、列子、荀子、鄧析子、說苑、關尹子、子華子九篇，除戰國策序外，餘皆可疑子華子、關尹子二篇，偽託之跡更顯然。

【會向卒哀帝復使向子侍中奉車都尉歆卒父業】漢書向傳稱「向卒後十三歲而王氏代漢」，漢書帝紀不數孺子嬰，是向卒於成帝綏和二年（公元前七年）也。是年哀帝即位，詔歆典領五經，歆字子駿，向少子，漢書附向傳，奉車都尉官名，漢武帝所置三都尉之一，掌御乘輿車。

【歆於是總羣書而奏其七略】劉向別集衆錄，謂之別錄，歆撮其指要，著爲七略，此爲目錄之祖。按歆奏七略，當在建平元年（公元前六年）之春夏間，說詳通鑑考異。

【輯略】顏注：「輯與『集』同，謂羣書之總要。」按輯略冠七略之首，猶今書之總論也，故七略實止六略。【今刪其要】顏注：「刪其浮冗，取其指要也。」

【易經十二篇施孟梁丘三家】顏注：「上下經及十翼，故十二篇。」施、施、孟、孟、喜、梁丘、梁丘、賀，均見漢書儒林傳。按此三家易，皆今文經也，今亡。今存易經，乃王弼傳費氏古文易。又十翼本稱傳而非經，此總稱

之曰「一易經十二篇」蓋有誤

【易傳周氏二篇（字王孫也）】亡。周王孫，雒陽人。漢書儒林傳云：「要言易者，本之田何……田何授周王孫，著易傳數篇。」按此句下注「字王孫也」，乃班固自注之文。下同。又自此以下至丁氏，皆易傳。

【服氏二篇】亡。顏注引劉向別錄云：「服氏，齊人，號服光。」（經典釋文敘錄引作服先，誤）按服光亦田何弟子，見儒林傳。又古人名號並稱，號服光者，言姓服名光也。

【楊氏二篇（名何字叔元菑川人）】亡。楊何，田何再傳弟子。（何授王同，同授楊何）菑川，今山東壽光縣。

【蔡公二篇（衛人事周王孫）】隋志不載，書佚已久。清馬國翰玉函山房輯佚書有蔡氏易說一卷，題云「漢蔡景君撰」。景君當是蔡氏之字，名爵未詳。其書止引李鼎祚集解一節，朱震漢上易叢說兩條，未爲具體。

【韓氏二篇（名嬰）】亡。按韓嬰字子夏，燕人。（見儒林傳）蓋饒寬嘗從受學。饒寬封事引韓氏易傳言「五帝官天下，三王家天下」（見漢書蓋饒寬傳）。清孫馮翼、張澍、馬國翰等均有輯本。若隋書藝文志所載「易二卷，魏文侯師卜子夏傳」，則以韓子夏誤爲卜子夏也。清四庫全書著錄之子夏易傳十一卷，則宋以後人僞作，非韓氏原書矣。

【王氏二篇（名同）】亡。王同字子中，東武人，受易田何。見儒林傳。

【丁氏八篇（名寬字子襄梁人也）】亡。丁寬事田何，復從周王孫受古義。景帝時寬爲梁孝王將軍，拒吳楚號丁將軍，作易說三萬言，訓故舉大誼而已。見漢書儒林傳。

【古五子十八篇】初學記文部引別錄曰：「（劉向）所校讎中古五子書，除復重，定著十八篇，分六十四卦，著之日辰，自甲子至壬子，凡五子，故號曰五子。」其書隋志未著錄，亡佚已久，今於漢書律曆志及左思吳都賦注中，猶得見其鱗爪。

【淮南道訓二篇】隋志不著錄，亡佚已久。惟張衡思玄賦及曹植七啓注中，猶得見其鱗爪。

【古雜八十篇雜災異三十五篇神輸五篇圖一】均亡。

【孟氏京房十一篇災異孟氏京房六十六篇五鹿充宗略說三篇京氏段嘉十二篇】此八十九篇，據嚴可均鐵橋漫稿謂「至隋志亡段嘉十二篇，唐志又亡災異六十六篇之四十三篇，歷宋入明，而漢志之八十九篇，僅存三卷」。按三卷，卽四庫子部術數類著錄之京氏易傳三卷是也。又玉函山房輯佚書有周易京氏章句一卷，黃奭漢學堂叢書輯有京房易章句。漢代陰陽災異之說始於孟喜，喜以授焦延壽，延壽以授京房。房本姓李，吹律自定爲京氏，字君明，東郡頓邱人，元帝時以災異得幸，見漢書卷七十五本傳，非儒林傳。楊何弟子之京房也。五鹿充宗字君孟，受易於京房，漢書附儒林梁丘賀傳。段嘉，儒林傳作「殷嘉」，受易於京房者也。（顏注謂京房受易於嘉，非是）

【章句施孟梁丘氏各二篇】經師指括經文，敷暢其義，以相教授，謂之「章句」。梁丘、施氏兩家章句，亡於西晉。孟氏至隋已殘闕（據隋志）。至宋而全亡（舊唐志尙著錄，宋志無）。玉函山房輯佚書有周易施氏章句一卷，孟氏章句二卷，梁丘氏章句一卷，漢學堂叢書有孟喜易章句一卷。

【凡易十三家二百九十四篇】按本志所載書目，每提一行爲一家，如「易經十二篇施孟梁丘三家」一行，卽爲一家，適符十三家之數。施、孟、梁丘三家經合三十六篇，三家章句六篇，除圖不計，適符二百九十四篇之數。

【易曰】下所引見易繫辭下。按宓戲氏亦作「伏羲氏」，又作「庖犧氏」，其異名甚多。相傳始作八卦者，【重易六爻作上下篇】相傳宓戲作易有卦無辭，文王增以卦辭、爻辭，故分上下篇。按卦畫謂之爻，重卦六畫，故有六爻。陽爻謂之初九、九二、九三、九四、九五、上九；陰爻謂之初六、六二、六三、六四、六五、上六。又按重卦之作者，其說不一，或謂宓戲自重，或以爲神農，或以爲夏禹，或以卦辭爲文王作，爻辭爲周公作，茲不詳述。

【孔氏爲之彖象繫辭文言序卦之屬十篇】十篇，卽前顏注所謂「十翼」也。孔穎達云：「十翼，謂上彖、下象、上象、下象、上繫、下繫、文言、說卦、序卦、雜卦。」按序卦、雜卦，經今文家不信爲孔子所作。

【人更三聖】更，經也。三聖，指宓戲、文王、孔子。

【世歷三古】易繫辭云：「易之興，其於中古乎？」然則宓戲爲上古，文王爲中古，孔子爲下古。

【漢興田何傳之】田何，齊淄川人，字子莊，受易於東武孫虞，後徙杜陵，因自號杜陵田生，漢興言易者宗之。詳漢書儒林傳。

【訖於宣元有施孟梁丘京氏列於學官】宣元，漢宣帝、元帝也。學官，博士官也。立於學官，猶今言「定爲大學教本」。按武帝立五經博士，易唯楊何，宣帝始立施孟、梁丘三家易，元帝立京氏易。

【而民間有費高二家之說】費直字長翁，東萊人。（見漢書儒林傳）治易，長於卦筮，無章句。高相，沛人。（見同上）與費同時，治易，專說陰陽災異，亦無章句。此兩家易未立於學官。高氏易爲今文經，亡於西晉。費氏易爲古文經，初唯行於民間，至漢末鄭玄、荀爽等皆傳費氏易，王弼亦治費氏易，然與鄭、荀不同。今四庫經部著錄之周易正義，即費氏古文易也。

【尙書古文經四十六卷（爲五十七篇）】即孔壁古文尙書，孔安國所獻者。王先謙曰：「四十六卷者，孔安國所得壁中古文，以考伏生二十九篇，得多十六篇，共四十五篇，加孔子序一篇，爲四十六篇，故云四十六卷也。爲五十七篇者，據尙書孔疏云：『伏生二十九篇，是計卷，若計篇，則三十四。』考二十九篇者，堯典一（連慎微以下），皋陶謨二（連帝曰來以下），禹貢三，甘誓四，湯誓五，盤庚六（案三篇同卷），高宗彤日七，西伯戡黎八，微子九，太誓十（案三篇同卷），牧誓十一，洪範十二，金縢十三，大誥十四，康